



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 7. Hunniadis Transylvaniae Vaivodæ obitus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

retro annis memoria Domini nostri in ^{Sæcul. XV.}
 monte Thabor transfigurati in quibus- ^{A. C. 1456.}
 dam Ecclesiis celebrari consueverat, Cal-
 listus Papa eandem festivitatem confirma-
 vit, atque ad omnes Christiani Orbis
 Ecclesias extendit, officiumque huic fe-
 sto proprium composuit, concessis pariter
 ad hanc quoque diem iisdem indulgen-
 tiis, quæ festo Corporis Christi alias an-
 nexæ erant.

§. VII.

*Huniadis Transylvaniæ Vaivodæ
obitus.*

Ceterum hi duo præcipui bellicæ hujus *Naucler. ge-*
 expeditionis Duces haud diu Turca- *ner. 49. p. 480*
 rum cladi superstites vixerunt. Hunia-
 des enim intolerabili hujus belli labore
 consumptus in febrim incidit, cujus assi-
 duitas, ac violentia illum die decima Se-
 ptembris in oppido Zemplem vivis eri-
 puit. Tanta erat Viri hujus Religio, ut
 sacram

*tenemus, hanc victoriam jam die 22. Julii
 S. Mariæ Magdalensæ sacra reportatam fuisse,
 cujus & ipsum Callisti diploma de celebratione
 festi transfigurationis testimonium reddit, in
 eo enim legitur: die memorabili S. Mariæ Mag-
 dalensæ coelesti præsidio communitus populus
 Turcam in turpem fugam convertit &c.*

Secl. XV.
A.C. 1456.

facram Synaxin ad cubile suum depor-
tari nequaquam pateretur, sed ad sum-
mendum Christi Domini corpus in Eccle-
siam se deferri juberet, asserens: quod
Rex Regum tanto me honore afficiat,
haud sum promeritus, indignumque ju-
dico, quod Dominus ad servum suum
veniat. Inclyti Herois jacturam univer-
sa planxit Europa, & ipsemet Callistus
Papa accepto mortis nuntio lacrimis
largiter fuis solemniter in Basilica
sancti Petri fortissimo fidei Christianæ De-
fensori persolvit. Joannes Capistranus,
qui infirmum nunquam sua præsentia
destituit, defuncto quoque oratione fune-
bri parentavit, cum ejusdem exequiæ ce-
lebrarentur in Templo ab ipsomet Hu-
niade in Transylvania extracto, ad quod
corpus suum ante obitum suum transfer-
ri jusserat. Duos reliquit Filios, Ladis-
laum & Matthiam, quorum frequens ser-
mo in progressu Historiæ nostræ redibit.
Discimus quorundam Historicorum fide,
quod Turcarum Imperator comperta Hu-
niadis morte exclamaverit: nulla mundi
ætas insigni huic Viro parem tulit, me-
ritoque doleo, quod mihi inustam Bel-
gradensi in clade ignominiam ulcisci ne-
queam, cum orbis universus non amplius
habeat ejusmodi Heroem, qui fortitudi-
ne Huniadem æquaret.

§. VIII.